



Inatsisartuni ilaasortaq, Ineqi Kielsen, Siumut
-/Maani

Qatserisartut, napparsimaviup annaassiniartartui, politiit aammalu allat inuunermik akeqarsinnaasumik pinasuartumik suliaqartussaataitanertik pissutigalugu suliffeqarfiup biiliinik angerlaassisartunut akileraarusiisarnermut malittarisassat pillugit § 37 naapertorlugu apeqqummut nr. 42-mut akissut.

Brevdato: 15-02-2016
Sags nr. 2016 - 3186
Dok. nr. 2150896

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Asasara Ineqi Kielsen.

Inatsisartut suleriaasianni § 37, imm. 1 naapertorlugu, biilit upalungaarsimanerme/suliartoqquneqarnissamut atatillugu atorneqartartut akileraarusersorneqartarnerat pillugu malittarisassanut arlalinnik apeqquteqarputit.

Biilit sulisitsisunit akeqanngitsumik sulisorisanut atugassanngortinneqartartut akileraarusersorneqartarnerat pillugu inatsisitigut toqqammavik, Aningaasarsianit akileraarutit pillugit Inatsisartut inatsisaat nr. 12, 2. november 2006-imeersumi § 19-imi ima oqaasertaqarpoq:

*” § 19. Aningaasarsiat akileraaruteqaataasussat naatsorsorneranni biilip, akileraartartup sulisitsisuminit atorfinitsitaanerminut allatulluunniit ikiuulluni sulinissaminik isumaqatigiissuteqarnerminut atatillugu privatimik atorsinnaasaata nalinga ilanngunneqassaaq, tak. Imm. 2-miit 8-mut. Tamanna aamma atuuppoq inunnut siulersuisuni, ataatsimiititaliani, kommissionini, siunnersuisooqatigiinni, immikkut qinikkani allatulluunniit ataatsimoorfiusuni, tamatumani ilanngullugit Naalakkersuisunut, Inatsisartunut kommunalbestyrelsinullu ilaasortatut qinerneqarsimasunut tamakkunungaluunniit ikiortaasunut.
Imm. 2. Illoqarfik biilip privatimik atorneqarfia 75.000 kvadratmeterisut annertutigisumik annertunerusumulluunniit aqqusineqarpat, biilip imm. 1-imi pineqartup akileraarutitigut nalinga ukiumut 40.000 koruuninik annertussilerneqassaaq.
Imm. 3. Illoqarfik biilip privatimik atorneqarfia 25.000 kvadratmeterinut 75.000 kvadratmeterillu akornanni annertutigisumik aqqusineqarpat, annertussusiliusaaq imm. 2-mi taaneqartoq 20.000 koruuninut appartinneqassaaq.
Imm. 4. Illoqarfik biilip privatimik atorneqarfia 25.000 kvadratmeterit inorlugit annertutigisumik aqqusineqarpat, annertussusiliusaaq imm. 2-mi taaneqartoq 10.000 koruuninut appartinneqassaaq.
Imm. 5. Biilit sulliviittut aqqussukat biilinillu immikkut sanaajusunik allanik privatimik atuneq angissusiliusaaq imm. 2-miit 4-mut taaneqartut affaannut*

annertussusilerneqassaaq. Biilit taamaattut sulisitsisup allaganngorlugu peqqussuteqarneratigut angerlarsimaffiup suliffiullu akornanniinnaq atorneqartarpata annertussusiliussat imm. 2-miit 4-mut taaneqartut sisamararterutaannut annertussusilerneqassapput.

Imm. 6. Lastbiiliniq 4 tonsit sinnerlugit oqimaassusilinnik kiisalu biiliniq tankiminni usisartunik, kraniniq kivitsissutiniq aammalu eqqaasut biiliiniq privatimik atuineq akileraaruserneqartussaangilaq.

Imm. 7. Biilit ukiup ilaannaani atugassaritinneqarpata nalingat akileraaruteqaataassusaaq ullunik biiliniq atuiiffiunngitsunik ilanngarlugu appartinneqassaaq. Akileraartussaataasooq biilit atorsinnaaneranut akiliuteqarpat, nalinga akileraaruteqaataasusaaq aningaasanik akiliutigineqarsimasunik ilanngarlugu appartinneqassaaq.

Imm. 8. Sulisitsisup allaganngorlugu peqqussutigisimappagu akileraartussaataasooq suliartoqquneqarnermini biiliniq atuisasooq, akileraartussaataasup angerlarsimaffimmi suliffimmilu akornanni biilimik atuinera privatimik atuineranut isigineqassangilaq, aatsaalli akileraartussaataasup suliartoqquneqarsinnaanermi nalaani biilit privatimik atugassarinnigippagit.”

Akeqanngitsumillu biileqarsinnaanermut akigitinneqartut aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 3, 30. november 2009-meersukkut allanngortinneqarput:

”§ 19, imm. 2-mi ”40.000 koruunit” allanngortissaaq imaalillugu: ”60.000 koruunit”.

§ 19, imm. 3-mi ”20.000 koruunit” allanngortissaaq imaalillugu: ”30.000 koruunit”.

§ 19, imm. 4-mi ”10.000 koruunit” allanngortissaaq imaalillugu: ”15.000 koruunit”.”

Aggersarneqariataarsinnasutut pingaartuunermut atartillugu, angerlarsimaffiup suliffiullu akornanni biilertarnermut malittarisassat aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisissaat nr. 20, 18. november 2010-meersukkut allanngortinneqarput.

”§ 19, Imm. 9. Biilit imm. 5-imi taaneqartut atorlugit angerlarsimaffiup suliffeqarfiullu akornanni biilernerit akileraartussaataasup namminerisamik atuinerrattut isigineqanngillat, sulisitsisup aggersarneqariataarsinnaanermut atatillugu taamatut biilernissaq akileraartussaataasumut allaganngorlugu piumasaqaatigisimappagu.”

Peqqinnissaqarfimmi, politiini qatserisartunilu sulisut aggersarneqariataarsinnaasunut tunngatillugu malittarisassat qanoq ittuunerannut, ilaatigullu sulisut allat aggersarneqarsinnaasut allat qanoq biilnut atugassanngortitanut akileraartarnerannut malittarisassat qanoq innerannik apeqquteqartutit paasivara.

Sulisunut iluorsaaviup biiliiniq allanilluunniit immikkut ittunik biileqartunut (biilitut immikkut ittutut paasineqassapput biilit ornigukkasuartaatit, toqusunik assartuussissutit il.il.) aggersarneqariataartartunullu makku atuupput:

Sulisut iluarsaasarfiit biiliinik allanilluunniit biilini immikkut ittunik sulisitsisunit allakkatigut aggersarneqariataarsinnaasut pingaartuunermut atatillugu atugassaqartinneqartut, akileraarutinut akiliisinneqartassanngillat.

§ 19, imm. 8-mi allassimasut assignagit, sulisut aggersarneqariarsinnaasut biilit angerlarsimaffiup suliffiullu akornanni biilernermit allaanerusukkut namminerisamik biilernermit atorsinnaavaat. Siunnersuut naapertorlugu sulisut aggersarneqarsinnaatitaasut assersuutigalugu biilit namminerisamik pisiniarnernut, meeqqanik meeqqeriviliaassinernut aallernernullu, sulereernerup kingorna ilaqtutanut ikinngutinulluunniit il.il. pulaarnermut atatillugu biilit atorsinnaavaat.

Imm. 8-misulli akileraartussaataitaannginnermi biilit aggersarneqaratarsinnaanermut atatillugu atornerqarnissaat piumasaqaataavoq. Aggersarneqaratarsinnaaneq sulisup sumiiffinnut "ilisimaneqariinngitsunut" pingaartuunermi aggersarneqarsinnaanera atuuppoq.

Sumiiffittut "ilisimaneqariinngitsut" paasineqassapput illoqarfimmi suliarforfigigallagassatut aggersarneqarfiit, siusinnerusukkut sumiinnerannik ilisimaneqanngitsut. Sulisup sumiiffiit taakku nalunnginnerai matumani immikkut pingaaruteqanngilaq, imali amerlatiginerat, allaat sulisup sumiiffippassuit assigiinngitsut taakku arlaannut aggersarneqarsinnaanini nalugaa. Suliffik nalinginnaasoq sumiiffinnut "ilisimaneqariinngitsunut" ilaangilaq, aamma sulisitsisoq piffimmi sumiiffinni arlalinni suliffiuteqaraluarpalluunniit.

§ 19, imm. 9 tunngavigalugu aggersarneqaratarsinnaaneq atuutissappat, sulisartoq aggersarneqaratarsinnaanermi tunngatillugu immikkut akissaateqassaaq, tassanilu pineqartup aggersarneqarnera aggersarneqannginneraluunniit apeqqutaatinneqassanngillat. Attaveqaataasoq suliffiup nalinginnaasumik ingerlanerata avataatigut ajoqusernermi imaluunniit sulisitsisup illuutigisaanut tillinniarnernut atatillugu aggersarneqartoq, imm. 9 naapertorlugu aggersarneqaratarsinnaasut isigineqanngilaq.

Sulisup piffissap aggersarneqaratarsinnaanerp nalaani inuttut inuunermut atatillugu piviusunik killiliivigineqarsimassaaq. Assersuutigalugulu sulisup piffissami aggersarneqaratarsinnaaffimmi tamarmi qasuerluarsimalluni qaatusimallunilu suliarorsinnaasassaaq. Pisissaaffiviillu aamma pineqassapput. Oqarasuaat atorlugu sulisup aggersarneqaratarsinnaanermik allattuiffimmi allassimasumut allamut ingerlatitseqqiinnarfia pisussaaffivittut isigineqanngilaq.

Sulisitsisup sulisumi aggersarneqaratarsinnaaneranut atatillugu biilimik atuisinnaanermik sulisup allakkatigut piumaffigisimassagaa, akileraarutinut akiliisussaataitaannginnermi pinngitsoornani toqqammaviasassaaq.

Sulisup allakkatigut piffissami aggersarneqaratarsinnaaffiginnigisaanik biilini namminerisaminik atuinera, tassunga ilanngullugit angerlarsimaffiup suliffiullu

akornanni biilerneq, § 19 naapertorlugu aalajangersakkat allat naapertorlugit akileraaruserneqassaaq.

Sulisunullu sulisitsisumit biiliniq iluarsaaviup biiliniq allanilluunniit biiliniq immikkut ittuunngitsunik atugassinneqartunut aggersarneqaratarsinnaasunullu tunngatillugu makku atuupput:

Aggersarneqariataarnermut atatillugu angerlarsimaffiup suliffiullu akornanni biilerneq akileraaruserneqarneq ajorpoq. Sulisoq pingaartuunermi nalaani angerlarsimaffimmit sumiiffinnut "ilisimaneqariinngitsunut" aggersarneqartaraangat, aggersarneqaratarsinnaaneq atuuttarpoq.

§ 19, imm. 8 naapertorlugu aggersarneqaratarsinnaaneq atuutissappat, suliffiup nalinginnaasup avataatigut angerlarsimaffimmiinnissamik piumaffigineqarneq kiisalu aggersarneqaratarsinnaanermut atatillugu immikkut akissaateqartinneqarnissaq atuutissapput, matumani aggersarneqarneq aggersarneqannginnerluunniit apeqqutaatinnagit.

Attaveqaataasoq suliffiup nalinginnaasumik ingerlanerata avataatigut ajoqusernermi imaluunniit sulisitsisup illuutigisaanut tillinniarnernut atatillugu aggersarneqartoq, imm. 9 naapertorlugu aggersarneqaratarsinnaasutut isigineqanngilaq.

Sulisoq piffissap aggersarneqaratarsinnaanerup nalaani inuttut inuunermut atatillugu piviusunik killiliivigineqarsimassaaq. Assersuutigalugulu sulisoq piffissami aggersarneqaratarsinnaaffimmini tamarmi qasuerluarsimalluni qaatusimallunilu suliarorsinnaasassaaq. Pisissaaffiviillu aamma pineqassapput. Oqarasuaat atorlugu sulisup aggersarneqaratarsinnaanermik allattuiffimmi allassimasumut allamut ingerlatitseqqiinnarfia pisussaaffivittut isigineqanngilaq.

Angerlarsimaffittut isigineqarpoq piffik feeriarneq, sulinermut atatillugu angalanerup, napparsimanerup assigisaataluunniit avataatigut nalinginnaasumik siniffiusarpoq kiisalu nammineq pigisanik pequtserneqartoq.

Sumiiffittut "ilisimaneqariinngitsutut" piffittut isigineqarput sumiiffiit suliarorfialugit aggersarneqarfiit, sioqqullugit ilisimaneqariinngitsut.

Sulisup sumiiffiit taakku nalunnginnerai matumani immikkut pingaaruteqanngilaq, imali amerlatiginerat, allaat sulisup sumiiffippassuit assigiinngitsut taakku arlaannut aggersarneqarsinnaanani nalugaa. Suliffik nalinginnaasoq sumiiffinnut "ilisimaneqariinngitsunut" ilaangilaq, aamma sulisitsisoq piffimmi sumiiffinni arlalinni suliffiuteqaraluarpalluunniit.

Sulisitsisup sulisumi aggersarneqaratarsinnaaneranut atatillugu biilimik atuisinnaanermik, kiisalu sulisup pingaartuunerminut atatillugu namminerisaminik biiliniq atuinnginnissamik allakkatigut piumaffiginnissimanissaa, akileraarutitut akiliisussaataaanginnermi pinngitsoornani toqqammaviusassaaq. Sulisitsisup

allakkatigut piumasagaatit atuutsinneqarneranik nakkutilliisarnissaa
naatsorsuutigineqarpoq.

Sulisuq ukiup ingerlanerani pingaartuunermini ataasiaannarluni namminerisaminik
biilerpat, taamatut biilerneq imm. 1.2 imaluunniit 1.2.1 naapertorlugu
akileraarusiivigineqassaaq. Tamannalu assersuutigalugu sulisup sapaatip akunnerata
naanerani pingaartuusup, sapaammi ullaakkut biiliniq iffiorfimmuq iffiansiniarnerani,
ualikkulluunniit ilaqtutaminut biilernerani pisinnaavoq.

Inerniliusaaq.

Sulisut aggersarneqaratarsinnaasut, iluarsaasarfiullu biiliinik allanilluunniit biiliniq
immikkut ittunik atugassinneqartut, pingaartuuffimmik nalaani akeqanngitsumik
biileqartinneqartutut akileraarusiivigineqassanngillat.

Sulisut aggersarneqaratarsinnaasut, allanillu biililerneqartut, piffissami
pingaartuuffimminni namminerisaminnik atuinerminnik akileraarusiivigineqassapput.

Inussiarnersumik inuulluaqqusillunga

Randi Vestergaard Evaldsen